

Islam di antara Kejahanan Pemeluknya dan Kelemahan Ulamanya

Keelokan dasar sesuatu syariat atau undang-undang negara itu adalah kembali kepada keelokan dan

kemantapan peraturan-peraturan yang terkandung di dalamnya, atau kembali kepada kekemasan *theory* atau konsep-konsep yang dibawanya.

Di dalam bahagian ini kita bentangkan beberapa contoh tentang keelokan dan keindahan dan peraturan-peraturan yang terkandung di dalam syariat Islam, yang selama ini masih tersembunyi dan tidak diketahui oleh sebahagian besar daripada umat Islam sendiri. – Pengarang.

Terjemahan bebas oleh Azmi

(XI)

B. Dakwaan yang mengatakan bahawa syariat

Islam itu tidak bersesuaian dengan zaman sekarang:

Setengah daripada golongan orang-orang yang berpendidikan Barat mendakwa bahawa syariat Islam itu sudah tidak bersesuaian lagi dilaksanakan pada zaman sekarang, tetapi mereka tidak mahu menyatakan sebab-sebab yang tegas di atas dakwaan mereka yang tidak berasas itu. Kalau mereka mengatakan umpamanya: “Sesungguhnya sebahagian daripada hukum-hukum yang didapati di dalam syariat Islam itu tidak sesuai lagi dijalankan pada zaman ini;” atau pun mereka memberikan alasan-alasan yang munasabah tentang sebab-sebab mengapa syariat Islam itu tidak bersesuaian lagi dengan zaman sekarang, maka dakwaan mereka itu bolehlah juga kita anggap suatu fikiran atau suatu kritik yang berharga, dan senanglah kita bermunāqashah (berbincang atau berbahas) dengan mereka itu untuk membidas dan memalsukan pendapat mereka yang tidak berasas itu.

Adapun tuduhan mereka yang mengatakan bahawa syariat Islam itu tidak sesuai lagi dilaksanakan

pada zaman *modern* ini dengan tidak mengemukakan sebarang pendapat atau hujah yang terang, maka itu adalah kita anggap tuduhan yang ganjil, tegasnya suatu tuduhan yang tidak dapat diterima sama sekali oleh orang-orang yang mempunyai akal fikiran yang waras, malahan dengan tidak ragu-ragu lagi kita berani menuduh mereka sebagai sejahil-jahil manusia di dalam selok-belok undang-undang. Atau harus pula kita katakan: Bahawa tuduhan-tuduhan mereka itu adalah berasaskan kejahanan dan sengaja dibikin-bikin.

Keelokan dasar sesuatu syariat atau undang-undang itu kembali kepada keelokan peraturan-peraturan yang terkandung di dalamnya atau kembali kepada kekemasan konsep-konsep yang dibawanya. Kita boleh tunjukkan beberapa contoh tentang keelokan konsep dan peraturan-peraturan yang didapati di dalam syariat Islam yang selama ini tidak diketahui oleh sebahagian besar daripada umat-umat Islam sendiri.

1. Persamaan:

Syariat Islam adalah mementingkan konsep “*al-musāwāh*” atau dasar “persamaan” yang tidak bersyarat

di antara sesama manusia. Dasar ini dapat dilihat dengan nyata di dalam suatu firman Tuhan di *sūrah al-Ḥujurāt* ayat (13): “*Yā ayyuhā al-nās innā khalaqnākum min dhakar wa unthā wa ja ‘alnākum shu ‘ubā wa qabā’il li ta ‘ārafū inna akramakum ‘inda Allāh atqākum.*” Maksudnya: “Wahai manusia! Sesungguhnya Kami telah menjadikan kamu daripada jenis lelaki dan perempuan dan kami jadikan pula kamu bersuku bangsa dan berpuak-puak supaya kamu dapat berkenal-kenalan (di antara satu sama lain). Sesungguhnya semulia-mulia kamu di sisi Allah ialah orang yang takwa di antara kamu. (orang yang paling takut kepada Allah).”

Untuk menegaskan dasar persamaan ini Rasulullah *sallā Allāhu ‘alayhi wa sallam* ada bersabda: “*Al-nās suwāsiyyah ka isnān al-mashīt al-wāḥid, lā faḍl li ‘arabī ‘alā ajamī illā bi al-taqwā*”. Maksudnya: “Manusia itu sama rata seperti gigi sikat yang satu, tidak ada keutamaan di antara orang-orang Arab dengan orang-orang ‘ajam (bukan Arab) melainkan dengan sifat takwa.”

Islam di antara Kejihilan . . .

Konsep persamaan ini telah dibawa oleh Islam ke alam dunia ini sejak lebih daripada tiga belas abad yang lalu. Adapun orang-orang Barat dengan undang-undang ciptaannya baru sahaja mengenal konsep persamaan ini pada awal abad yang kedelapan belas. Dari sejak itu hingga sekarang kebanyakan daripada negara-negara Barat dan Amerika Syarikat telah mengamalkan konsep persamaan ini, kerana konsep inilah satu-satunya yang berjaya mempersatukan rakyat yang berbilang suku bangsa di dalam sesuatu negeri.

Konsep persamaan inilah yang mereka namakan “demokrasi”.

2. Kemerdekaan:

Dari sejak diturunkan Islam membawa bersama-sama konsep “*al-huriyyah*” atau dasar “kemerdekaan”. Dasar inilah sepenting-penting dasar di dalam Islam. Ia meliputi kemerdekaan berfikir, kemerdekaan dalam iktikad (kepercayaan) dan kemerdekaan berkata-kata. Nas-nas al-Qur’ān yang berhubung dengan dasar ini tersangat banyak. Di antaranya firman Allah di dalam *sūrah Yūnus* ayat (101): “**Qul unzurū mādhā fī al-samāwāt wa al-ard.**” Maksudnya: “Katakanlah! Perhatikanlah apa-apa yang di langit dan yang di bumi!” Dan firman-Nya lagi di dalam *sūrah Āli Imrān* ayat (7): “**Wa mā yudhakkiru illā ūlū al-albāb.**” Maksudnya: “Tiadalah yang mendapat pengajaran melainkan orang-orang yang berakal.” Firman-Nya lagi: “**Lā ikrāha fī al-dīn.**” Maksudnya: “Tidak ada paksaan di dalam agama.” (*Sūrah al-Baqarah* ayat (256). Di dalam

Sūrah Āli ‘Imrān ayat (104) pula Tuhan ada berfirman: “*Waltakun minkum ummat yad’ūna ilā al-khayr wa ya’murūna bi al-ma’rūf wa yanhauna ‘an al-munkar wa ulā’ika hum al-muflīḥūn.*” Maksudnya: “Hendaklah ada di antara kamu satu umat yang menyeru kepada kebaikan dan menyuruh memperbuat kebajikan, melarang daripada kejahanan, dan mereka itulah orang yang mendapat kemenangan.”

Konsep kemerdekaan dengan cabang rantingnya tiga itu – yaitu kemerdekaan berfikir, kemerdekaan dalam iktikad dan kemerdekaan berkata-kata – tidak dikenali sama sekali oleh orang-orang Barat melainkan selepas Revolusi Perancis di abad yang kesembilan belas. Tetapi konsep ini mereka curi, mereka rampas daripada syariat Islam kemudian mereka umumkan kepada dunia bahawa dasar kemerdekaan inilah yang menjadi konsep yang utama di dalam undang-undang negeri yang mereka ciptakan.

3. Keadilan:

Di antara konsep-konsep yang dengannya tegak syariat Islam ialah konsep “keadilan”. Di dalam kitab suci al-Qur’ān banyak didapati ayat-ayat yang mewajibkan sekalian kaum Muslimin supaya berlaku adil terhadap sesama manusia. Di antaranya firman Allah di dalam *sūrah al-Nisā’* ayat (58): “**Wa idhā ḥakamtum bayna al-nās an taḥkumū bi al-‘adl.**” Maksudnya: “Jika kamu menghukum antara sesama manusia, hendaklah kamu hukum dengan seadil-adilnya.”

Dan firman-Nya lagi di dalam *sūrah al-Mā’idah* ayat (8): “**Yā ayyuhā al-ladhī**

āmanū kūnū qawwāmīn Allāh shuhadā’ bi al-qisṭ, wa lā yajrimannakum shana’ān qawm ‘alā allā ta’dilū, i’ dīlū huwa agrab li al-taqwā wa ittaqū Allāh, inna Allāh khabīr bi mā ta’malūn.” Maksudnya: “Wahai orang-orang yang beriman! Hendaklah kamu berlaku adil menjadi saksi, kerana Allah, janganlah kamu tertarik menjadi aniyai kerana bencinya kaum kafir kepadamu supaya kamu tidak berbuat adil, hendaklah kamu berlaku adil. Kerana keadilan itu lebih hampir kepada takwa, takutlah kamu kepada Allah, kerana Allah itu mengetahui apa-apa yang kamu kerjakan.”

Berhubung dengan soal keadilan ini Allah berfirman pula di dalam *sūrah al-Nisā’* ayat (135) “**Yā ayyuhā al-ladhīna āmanū kūnū qawwāmīn bi al-qisṭ shuhadā’ Lillāh wa law ‘alā anfusikum awi al-wālidayn wa al-aqrabīn in yakun ghaniyyā aw faqīrā fa Allāh awlā bihimā fa lā tattabi’ū al-hawā an ta’dilū, wa in talwū aw tu’ridū fa inna Allāh kāna bi mā ta’malūn khabīrā.**” Maksudnya: “Wahai orang-orang yang beriman! Hendaklah kamu berdiri di atas kebenaran kerana Allah, meskipun atas dirimu sendiri atau buat ibu bapa dan kaum keluargamu. Kamu dirikanlah keadilanmu itu dengan tidak memandang kaya, miskin, kerana Allah yang telah lebih mengetahui tentang maslahat keduanya. Oleh sebab itu janganlah kamu turutkan kemauhan hawa nafsu, supaya kamu hendaknya berlaku adil. Jika kamu berputar atau berpaling tentang pendirian saksimu, maka sesungguhnya Allah mengetahui segala apa yang kamu kerjakan.”

Inilah dia konsep keadilan yang dibawa oleh syariat Islam dari sejak mula ia diturunkan, konsep

Islam di antara Kejahilan . . .

yang sama sekali tidak diketahui oleh masyarakat dunia Barat dan tidak pernah tercatit di dalam buku undang-undang yang mereka ciptakan melainkan pada akhir abad yang kedelapan belas.

Inilah tiga konsep besar yang didakwa oleh orang-orang Barat menjadi asas utama bagi undang-undang negara yang mereka ciptakan, sedang konsep-konsep tersebut telah lebih dahulu dikenal dan diamalkan oleh umat-umat Islam dari sejak 11 abad yang silam. Sekarang bagaimana mereka berani mengatakan bahawa hukum-hukum yang terkandung di dalam syariat Islam itu tidak sesuai lagi dipakai pada zaman ini? Sedang undang-undang yang mereka ciptakan itu sesuai digunakan pada bila-bila masa juu pun, padahal tiga konsep besar yang mereka katakan menjadi asas utama di dalam undang-undang ciptaan mereka itu, mereka cuti dan mereka rampas dari syariat Islam?!

4. Permesyuaratan:

Syariat Islam dari sejak ia diturunkan adalah berdasarkan konsep “*al-shūrā*” atau “permesyuaratan” di dalam menjalankan tugas mengatur masyarakat dan menegakkan negara. Ini sebagaimana yang ditegaskan oleh Allah di dalam firman-Nya yang berbunyi: “*Wa'muruhum shūrā baynahum.*” Maksudnya: “Urusan mereka dengan bermesyuarat di antara sesama mereka.” Dan firman-Nya lagi: “*Wa shāwirhum fī al-amr.*” Maksudnya: “Dan bermesyuaratlah engkau dengan mereka di dalam sesuatu urusan.”

Di dalam konsep permesyuaratan ini juga Islam telah mendahului undang-undang Barat selama sebelas abad, melainkan undang-undang Inggeris yang mulai melaksanakan konsep ini sepuhl abad kemudian daripada Islam. Undang-undang Barat sewaktu menggunakan konsep *al-shūrā* ini tidak membawa sebarang perubahan baru, malahan mengikut sahaja segala apa yang telah dijalankan oleh syariat Islam.

5. Mengakui kekuasaan hakim:

Mengakui kekuasaan hakim (pemerintah) adalah suatu daripada konsep-konsep yang terpenting di dalam Islam. Islam menganggap bahawa hakim itu adalah sebagai wakil rakyat. Hakim adalah bertanggungjawab di atas sekalian rakyat yang di bawah pemerintahannya. Di dalam segi hukum syariat Islam melaksanakan tugasnya dengan sama rata, tidak memperbezakan di antara seorang hakim dengan rakyat biasa. Gerak geri dan kelakuan seorang hakim itu adalah terbatas mengikut dasar-dasar yang telah diatur dan ditentukan oleh syariat Islam, di dalam segi ini tidak ada perbezaan di antara seorang hakim dengan rakyat biasa. Semuanya mesti berjalan di atas landasan *musāwāh* dan persamaan dengan secara adil.

Konsep ini juga telah lebih dahulu dikenali oleh Islam dari sejak tiga belas abad yang silam. Sedang ia baharu sahaja dipraktikkan oleh dunia Barat dalam masa beberapa abad ini sahaja. Dengan itu bagaimana mereka boleh mendakwa bahawa syariat Islam sudah tidak sesuai lagi dipraktikkan pada zaman ini?

6. Arak diharamkan dan talak diharuskan:

Al-Qur'an diturunkan dengan membawa beberapa pengajaran yang berguna demi unutk memandu manusia seluruhnya ke arah jalan yang benar bagi menyelamatkan mereka daripada jurang kesesatan dan kebinasaan. Di antara pengajaran-pengajaran itu ialah mengharamkan arak dan mengharuskan talak, berkenaan dengan pengharaman arak Tuhan ada berfirman di dalam *sūrah al-Mā'idah* ayat 90 – 91). “*Yā ayyuhā al-ladhīnā āmanū innamā al-khamr wa al-maysir wa al-azlām¹ rij̄s min 'amal al-shayṭān fa ijtānibūh la 'allakum tuftiḥūn. Innamā yurīd al-shayṭān an yūqi'a baynakum al-'adāwah wa al-baghādā' fī al-khamr wa al-maysir wa yaṣuddakum 'an dhikr Allāh wa 'an al-ṣalāh fa hal antum muntahūn.*” Maksudnya: “Wahai orang-orang yang beriman! Sesungguhnya arak, judi berhala, dan bertenung itu adalah pekerjaan yang keji daripada pekerjaan syaitan. Oleh itu hendaklah kamu jauhi, mudah-mudahan kamu mendapat kemenangan. Sesungguhnya syaitan itu menghendaki supaya kamu bermusuhan-musuhan dan berbenci-bencian di antara satu sama lain kerana arak dan berjudi itu, serta menghalang kamu daripada mengingat Allah dan sembahyang, tiidakkah patut kamu berhenti daripada yang demikian?”

Berhubung dengan talak pula Tuhan berfirman di dalam surah al-Baqarah ayat

(229) “*Al-ṭalāq marratān fa imsāku bi ma rūfaw tasrīḥ bi ihsān*”.

Maksudnya: “Talak itu hanya dua kali, kemudian dari itu menahannya dengan cara yang patut atau melepaskannya dengan cara yang baik.” Undang-undang Barat sebelum abad yang kedua puluh ini

¹ Ayat sebenarnya adalah “*al-khamr wa al-maysir wa al-anṣab al-azlām*”

Islam di antara Kejahilan . . .

tidak ada sama sekali mengandungi ajaran tentang pengharaman arak dan mengharuskan talak. Tetapi sesudah mereka selidiki tentang bahaya arak itu baharulah hukum mengharamkan arak itu mereka masukkan ke dalam undang-undang yang mereka ciptakan itu. Dalam pada itupun bukan kesemua negeri-negeri Barat yang mematuhi undang-undang tersebut, selain daripada Amerika banyak lagi negeri-negeri Barat yang lain masih menghalalkan arak. Begitu pula lah halnya dengan hukum mengharuskan talak, masih banyak lagi negeri-negeri Barat yang tidak membenarkan seorang suami mentalakkan isterinya.

Bagaimanakah mereka berani mendakwa bawanya undang-undang Barat itu sesuai dijalankan pada setiap masa dan waktu, sedang syariat Islam di tempat sumber pengambilan undang-undang Barat itu dikatakan tidak sesuai lagi dengan keadaan zaman ini? Bukankah ini suatu dakwaan yang tidak diterima oleh akal yang waras?!

7. Gotong royong dan perpaduan:

Awal-awal syariat di dalam dunia ini yang mula sekali membawa *theory* “gotong-royong” dan “perpaduan masyarakat” ialah syariat Islam. Al-Qur’ān menegaskan dasar ini dengan firman Allah yang tercatit di dalam *sūrah al-Mā’idah* ayat (2): **“Wa ta’āwanū ‘alā al-birr wa al-taqwā wa lā ta’āwanū ‘alā al-iṭḥmi wa al-‘udwān.”** Maksudnya: “Bertolong-tolonglah kamu atas berbuat kebajikan dan takwa, dan jangan kamu bertolong tolongan berbuat dosa dan aniaya.”

Dan firman Allah lagi di dalam *sūrah al-Mā’idah* ayat (24, 25): **“Wa al-ladhīna fī amwālihim haqq ma’lūm, li al-sā’il wa al-maḥrūm”**: Maksudnya: “Dan orang-orang yang di dalam hartanya ada hak yang tertentu, untuk orang-orang yang meminta dan orang-orang miskin yang tidak mau meminta.”

Di dalam *sūrah al-Tawbah* ayat (103)

Allah berfirman pula: **“Khudh min amwālihim ṣadaqata tuṭāhiruhum wa tuzakkīhim bihā wa ṣalli ‘alayhim, inna ṣalātaka sakan lahum, wa Allāh samī‘ ‘alīm.”**

Maksudnya: “Ambillah sebahagian daripada harta mereka untuk sedekah, buat membersihkan jiwa mereka dan menghapuskan kesalahan mereka, dan doakan mereka itu, sesungguhnya doa engkau itu menjadi ketenteraman bagi mereka. Allah mendengar dan mengetahui.”

Ayat (60) di dalam *sūrah al-Tawbah*

juga Allah berfirman: **“Innāmā al-ṣadaqāt li l-fuqarā’ wa al-masākīn wa al-‘amīlīn ‘alayhā wa al-mu’allafatī qulūbuhum wa fī al-riqāb wa al-ghārimīn wa fī sabūl Allāh wa ibn al-sabīl, farīdah min Allāh, wa Allāh ‘alīm hākīm.”** Maksudnya:

“Sesungguhnya sedekah (zakat) itu untuk orang-orang fakir miskin, pemungut zakat, orang yang dijinakkan hati mereka (mualaf) untuk memerdekaan hamba, orang yang berhutang, kerana jalan Allah dan untuk orang-orang musafir (yang keputusan belanja). Ini peraturan yang fardu daripada Allah, dan Allah itu Maha Mengetahui lagi Bijaksana.”

Dan firman-Nya lagi di dalam *sūrah al-Hashr* ayat (7): **“Mā afā’ a Allāh ‘alā rasūlihi min ahl al-qurāfā Lillāh wa lirrasūl wa lidhī al-qurbā wa al-yatāmā**

wa al-masākīn wa ibn al-sabīl kay lā yakūn dūlata bayna al-aghniyā’i minkum.” Maksudnya: “Apa-apa harta rampasan yang dianugerahkan Allah kepada rasul-Nya dari penduduk-penduduk negeri (orang-orang kafir) itu, maka adalah untuk Allah, untuk rasul-Nya, untuk anak-anak yatim, untuk orang-orang miskin dan untuk orang-orang musafir, supaya jangan harta itu beredar di antara orang-orang kaya daripada kamu.”

Begitulah dua *theory* ini telah dikenal oleh Islam sejak lebih daripada tiga belas abad yang silam. Negara-negara yang bukan Islam baharu sahaja mengenal dan mengamalkan kedua-dua teori ini pada awal abad yang kedua puluh ini.

8. Larangan memeras tenaga

Syariat Islam mengharamkan seseorang itu memeras tenaga saudaranya sesama Islam dan juga melarang memakan rasuah. Berhubung dengan ini Rasullah *ṣallā Allāhu ‘alayhi wa sallam* telah bersabda: **“Lā yuḥtakir illā khaṭī”** Maksudnya: “Seseorang itu tidak akan memeras tenaga melainkan ia bersalah.”

Berkenaan dengan *rashwah* pula Allah telah berfirman di dalam *sūrah al-Baqarah* ayat (188): **“Wa lā ta’kulū amwālakum baynakum bi al-bāṭil wa tuḍlū bihā ilā al-ḥukkām lita’kulū farīqā min amwāl al-nās bi al-iṭḥm wa antum ta’lamān.”** Maksudnya: “Janganlah kamu memakan harta orang dengan jalan yang batil (tidak halal) dan kamu bawa kepada hakim, supaya sempat kamu memakan sebahagian daripada harta orang dengan berdosa, sedang kamu mengetahui.”

Dan sabda Rasulullah *ṣallā Allāhu ‘alayhi wa sallam*: **“Lu ‘ina Allāh al-rāshā**

Islam di antara Kejahilan . . .

wa al-murtashā” Maksudnya: “Dilaknat Allah orang yang memakan rasuah dan orang yang memberi rasuah.” Konsep ini juga baharu sahaja dikenali oleh masyarakat orang-orang Barat dan pada akhirnya mereka jadikan suatu undang-undang negeri.

9. Larangan melakukan kejahanan:

Seterusnya Islam mengharamkan seseorang itu melakukan kejahanan sama ada dengan secara terang atau bersembunyi-sembunyi, Islam melarang seseorang Muslim itu berbuat dosa, melakukan kezaliman dan menaburkan fitnah, sebagaimana firman Allah di dalam *sūrah al-A’rāf* ayat (33): “*Qul innamā ḥarrama rabbīya al-fawāḥiṣ mā zahara minhā wa mā baṭāna wa al-iṭḥm wa al-baghyā bi ghayr al-ḥaqq, wa an tushrikū billāh mā lam yunazzil bihi sulṭānā, wa an taqūlū ‘alā Allāh mā lā ta’lamūn.*”

Maksudnya: “Katakanlah! Sesungguhnya perkara-perkara yang dilarang oleh Tuhan saya ialah, melakukan kejahanan baik dengan secara terang mahupun dengan bersembunyi-sembunyi, berbuat dosa, melakukan kezaliman dengan cara tidak benar, mempersekuatkan Allah dengan sesuatu yang tiada diberi kekuasaan kepadanya, mengatakan sesuatu hukum Allah atas sesuatu perkara yang tidak kamu ketahui.”

10. Menyeru kepada kebaikan:

Tujuan utama agama Islam itu diturunkan ialah untuk menyeru sekalian manusia supaya melakukan kebaikan dan meninggalkan kejahanan dengan menggalakkan seseorang itu mengerjakan

amal kebajikan serta menegah mereka itu daripada melakukan kemungkaran.

Berhubung dengan perkara-perkara ini Allah ada berfirman di dalam *sūrah Ālī ‘Imrān* ayat (104): “*Waltakun minkum ummat yad ‘ūna ilā al-khayr wa ya’murūna bi al-ma’rūf wa yanḥawna ‘an al-munkar, wa ulā’ika hum al-muflīḥūn.*” Maksudnya: “Hendaklah ada di antara kamu umat yang menyeru kepada kebaikan, menyuruh memperbuat kebajikan, melarang daripada melakukan kejahanan dan mereka itulah orang-orang yang mendapat kemenangan.”

Dengan konsep-konsep inilah tegaknya agama Islam dan dengan dasar-dasar yang tinggi mulia inilah dicipta syariat Islam, dasar-dasar yang menuju ke arah kemuliaan dan kebahagiaan hidup di dunia dan Akhirat yang sentiasa menjadi impian bani insan. Bagaimana suatu syariat yang begini kemas, syariat yang mengandungi ajaran-ajaran suci, syariat yang mengandungi konsep dan dasar-dasar yang menuju ke arah hidup mulia, dikatakan tidak sesuai dengan keadaan zaman moden?

Kalau kita mengkaji konsep-konsep hidup peri kemanusiaan dari segi pergaulan masyarakat dan dari segi undang-undang Barat yang diagung-agungkan oleh generasi angkatan baru di hari ini, maka kita dapat sumber-sumber asalnya adalah diambil dan dikutip daripada hukum-hukum yang terkandung di dalam syariat Islam. Kalau tidak memikirkan bacaan ini terlalu panjang, maka mahu rasanya saya membawa beberapa banyak konsep-konsep Islam yang dipetik daripada nas-nas al-Qur’ān dan al-hadīth. Tetapi buat mengisi sebuah buku yang sekecil ini, maka memadalah hanya

setakat ini sahaja.

Dengan segala keterangan-ketertangan yang kita bentangkan satu persatu terdahulu dari ini, maka nyatalah dengan sejelas-jelasnya bahawa segala dakwaan-dakwaan yang mengatakan syariat Islam itu tidak sesuai lagi digunakan pada abad yang kedua puluh ini, adalah suatu dakwaan palsu yang tidak berasas.

Kita juga berani mendakwa bahawa undang-undang Barat kuno – sebelum diubah dan dipinda – adalah sekejam-kejam undang-undang yang sama sekali tidak mendapat tempat kalau dilaksanakan pada zaman ini. Ingatlah kepada kaedah ini dan perbandingkanlah dengan syariat Islam.

(Bersambung)

Buku Baru.

Istimewa.

RISALAH

PENDIDEKAN

DAN

KELUARGA

Kumpulan dari kata2

dan nasihat yang berharga
Al-Imam Al-Shahid Hasan
Al-Banna Pemimpin Al-
Ekhwanul-Muslimin yang
mustahak di-jadikan pan-
duan hidup di-dalam suatu
masharakat Islam yang
bergerak maju.

Mustahak di-bacha oleh
pemuda dan pemudi Islam
angkatan baru yang chinta-
kan Islam.

Ada naskhah Jawi dan
ada naskhah Rumi.
Sa-buah \$1.00

Pesan-lah kapada:

Q A L A M
8247, Jalan 225,
Petaling Jaya,
Selangor.